

卷四

駁案新編三十二卷
清全士潮等輯
卷四 史政書法令刑案
內部分類 大木法類例案-22
索書號 B3852000
編號

彩色首頁1

東洋文化研究所漢籍目錄 編號: B3852000
東洋文化研究所漢籍目錄所藏漢籍善本全文影像資料庫 索書號: 大木法類例案-22
漢籍善本全文影像資料庫 駁案新編三十二卷
版權所有: 東京大學 東洋文化研究所
使用上の注意事項

駁案新編卷一

名例上

直隸司 一起為遵 旨議奏事看得天津縣民船戶劉治等偷賣剝船漕米一案據直隸總督周元

理奏稱劉治籍隸天津種地營生乾隆三十九年六月間伊叔劉漢公病故遺船一隻該犯即雇天津

民人趙魁周煥駕至楊村一帶攬載度日七月二十三日有湖北蘄州衛頭幫運丁宗志勝雇伊船剝運

米二百五十石言定雇價飯米令隨丁宗得遠押運劉治又添雇田七宋通李成幫駕開行劉治因所得

雇價不敷還帳水手工錢又無開發遂起意偷賣漕米商之趙魁等許以賣米錢文該犯自得一半水手

五人分半趙魁等俱各允從船至北蔡村地方劉治將船停泊上岸與素識之酒米鋪戶旗人方天

禿告欲賣方天禿信以為實每石議定價錢一千文劉治又慮宗得遠在船押運不便偷竊即

沽燒酒回船與宗得遠對飲宗得遠醉後睡臥後艙該犯隨至方天禿鋪內借取口袋五條交給水

手搬運內該犯在鋪自飲後見運米太多即令歇手方天禿始知係偷盜之米因貪得便宜不愿

退還先給該犯制錢十八千約以賣出再給劉治携錢至船趙魁等均分劉治隨携錢文至

楊村王家鋪地方宗得遠酒醒見米短少查問水手趙魁等哄稱上岸找尋劉治各自逃散劉

駁案新編 卷一名例上 方天禿

圖產逼嫁孀嫂擬絞

改依搶奪路行婦女爲首例

逼嫁有夫堂妹自刎

駁案新編卷四

吏律職制

照違
律係職官制
加徒一年

廣西司 一起爲咨斥事會看得永寧營咨革千總袁良義因公那動官當錢文業經歸補奉文看守候
審私自潛出復回一案先據廣西巡撫宋邦綏疏稱緣永寧營同仁當向係千總經管乾隆三十年三月
內袁良義見當樓桁柱朽壞瓦片滲漏恐致倒塌壓損貨物先行辦料修葺墊用過辦料錢六千七百文
未及詳明旋即委赴東省製辦軍裝十一月內袁良義回營十二月內三次在當內支取墊用錢二千三
百文三十一年正月初四日又在當內提出墊用錢四千四百文尙未取去初五日該營守備蘇華赴當
盤查袁良義將支取墊用錢文稟請報銷蘇華以先未詳明不准動支袁良義卽於二十四日將支取及
提出存當共錢六千七百文交還管當字識朱玉奇收清入櫃隨經蘇華以袁良義違例動支揭報經提
臣許成麟咨參委署永寧營千總蔡之鳳撥兵看守聽候提審袁良義先於二月二十六日回籍柳州三
月十三日押解回營至四月初二日因看守兵丁俱往教場操演卽帶同工人雇船前往南寧索欠經蔡
之鳳將袁良義潛逃緣由通報批飭嚴拏袁良義索欠未得恐誤審期十六日趕至賓州遇見蔡之鳳獲
解回營移解永寧州訊供不諱查袁良義修理當房墊用制錢六千七百文既不於事前詳准又不於事

後報銷擅敢在當內支取卽屬侵盜雖經歸補亦律應計贓科以滿杖乃奉文看守不候提審藉名索欠輒敢私自他往實屬負罪逃竄將袁良義依職官負罪逃竄犯該軍流以下者無論本罪重輕俱擬絞例擬絞監候等因具 題前來查參革千總袁良義經管官當因樓柱朽壞恐致坍塌壓損貨物先自墊錢六千七百文委兵辦料修葺旋赴東省承辦軍裝未及詳明後在當支錢二千三百文又提出錢四千四百文未領該營守備蘇華查當袁良義稟請報銷蘇華以未經詳明不准袁良義卽將前項錢文仍行入櫃旋被咨參等情如果屬實是袁良義之墊錢辦公卽非侵那其因承辦軍裝未及詳明亦非無故且其錢提出未領於守備蘇華盤查之時請銷不允卽行入櫃原無應治之罪乃該守備蘇華輒行詳揭本未詳察事理迨咨參之後據供提督牌文只有勒令離營追繳劄付並無看守提審字樣是該弁參後原未看守故甫經參革卽自回柳州設措盤費至其前赴南寧索欠雖稱看守兵丁赴操自行前往但該弁尙恐有誤審期趕回永寧經千總蔡之鳳於賓州獲解是該弁實無畏避脫逃之心細核案情袁良義被參之後不知靜候提訊任意他往未便因其原參情節無可議罪卽不加以懲治亦不可將其因公墊用之項遽坐以侵盜罪名并照負罪潛逃例擬以絞候於情法均未平允應令該撫詳細究明妥擬到日再議等因題駁去後續據該撫疏稱袁良義經管官當因樓柱朽壞恐致坍塌壓損貨物先自墊錢辦料修葺旋赴東省承辦軍裝未及詳明後在當內提出未領該營守備蘇華前往查當袁良義稟請報銷蘇華以未經詳明不准袁良義卽將前項錢文仍行入櫃是袁良義之墊錢辦公自非侵那其因承辦軍裝未及詳明亦非無故提出未領錢文於蘇華盤查時請銷不允仍行入櫃尙無虧缺雖不先詳後支亦屬不合而業已咨參革職誠如部駁應免治罪迨甫經參革卽回柳州設措盤費至其前赴南寧索欠雖因看守兵丁赴操私自前往猶恐有誤審期旋卽趕回經千總蔡之鳳於賓州獲解是袁良義實無畏避脫逃之心原照職官負罪潛逃例擬以絞候洵有未協但袁良義身為職官被參離營並不靜候提審乘看守兵丁不在私自潛出雖非負罪逃竄而任意往來亦屬有心玩法袁良義應照違 制律杖一百係職官加徒一年等因具 題前來應如該撫所題袁良義應照違 制律杖一百係職官知法犯法酌加一等杖六十徒一年等因乾隆三十二年六月初四日題初六日奉 旨依議欽此

戶律婚姻

強嫁寡媳
自縊身死

四川司 一起爲報明事會議得馬邊廳民陳玉隆強嫁寡媳彭氏致氏自縊身死一案先據四川總督阿爾泰疏稱陳玉隆長子陳富於乾隆三十一年身故遺媳彭氏年甫十八並無生育陳玉隆以彭氏年輕恐難終志與彭氏表兄王起義商議遣嫁王起義希圖媒金兼可分潤財禮從中慫恿陳玉隆卽託王

起義代覓人戶三十二年七月初七日適有周元有來場向王起義談及娶親之事王起義卽與彭氏媒合議明財禮七十二兩向陳玉隆告知允許發庚周元有憑謝文照交過銀七十二兩陳玉隆主婚得受財禮銀四十兩餘銀王起義藉詞開銷擇定十五日迎娶陳玉隆因見彭氏並無改適之意未與言明恐臨時費氣主使王起義將彭氏哄至峯溪場店中十五日周元有央謝文照之妻張氏同伊表嫂李氏接親彭氏啼哭不肯上馬陳玉隆令次子陳宗萬強扶上馬王起義亦令伊子王萬隆同送至周元有家陳宗萬等當卽各歸周元有見彭氏悲淚不止知其不願遂留李氏張氏在家與彭氏伴宿勸慰並未成婚詎彭氏不甘失節十九日乘李氏歸家投繯殞命屢審不諱查陳玉隆主婚逼嫁致彭氏自縊身死雖例無尊長威逼卑幼之條但既經得財強嫁已屬義絕自應照例問擬將陳玉隆依夫家強嫁孀婦不甘失節因而自盡例發邊衛充軍王起義擬徒陳宗萬等擬杖彭氏請 旌等因具題經 臣部查律載夫喪服滿果願守志而女之祖父母父母及夫家之祖父母父母強嫁者杖八十又例載孀婦自願守志而母家夫家搶奪強嫁者各按服制照例加三等治罪等語查翁姑於子孫之婦與子孫無異律載夫亡改嫁嘗毆故夫之祖父母父母與嘗毆翁姑罪同其舊舅姑毆已故子孫改嫁妻妾者亦與毆子孫婦同是子孫之婦卽經改嫁名分恩義猶存不得與凡人並論律義顯然今陳玉隆因彭氏年輕恐難終志是以遣

嫁及彭氏不從當令次子強扶上馬尙無殘忍逼害情事固難遽絕其恩義況彭氏爲夫殉節仍爲陳氏之婦其與伊夫恩義至重卽與夫之父恩義有不能絕之理該督將陳玉隆問擬遣戍按之律義案情俱屬未洽或陳玉隆逼嫁彭氏不從有必欲致死情節則當另審確情定擬庶無枉縱應令該督再加研訊按律妥擬具題到日再議等因題駁去後續據該督疏稱究明陳玉隆並無逼嫁不從必欲致死情事覆核彭氏爲夫殉節不肯絕於其夫卽於其夫之父義不能絕陳玉隆雖圖財強嫁尙無殘忍逼害情事尤不便竟照凡人威逼例問擬但彭氏之自盡究因陳玉隆強嫁所致陳玉隆合照孀婦自願守志而夫家強嫁各按服制照律加三等治罪例量加一等問擬查夫之父母強嫁本律杖八十加三等杖六十徒一年量加一等杖七十徒一年半王起義等擬以徒杖等因具 題前來應如該督所題陳玉隆合照孀婦自願守志而夫家強嫁各按服制照律加三等治罪例杖六十徒一年量加一等杖七十徒一年半至配所折責擺站係彭氏親翁毋庸追給埋葬銀兩該督既稱王起義商同強嫁其與陳玉隆本罪各別應依本律首從論合照威逼充發例爲從減一等應杖一百徒三年至配所折責擺站陳宗萬王萬隆訊未同謀強嫁但聽從父命幫同送親均照不應重律杖八十各折責三十板先行發落周元有訊非知情謀娶亦非逼勒成婚謝文照交過財禮見證並未知情媒合均予免議財禮照追給主等語均應如該督所題

逼嫁孀媳
實遺

乾隆四十
六年七月
十七日奉

上諭據農
起題報欵

縣故民黃
金寶之妻

吳氏因姑
逼嫁投塘

身死一本
已批交該

部議奏矣
此案黃吳

氏自伊夫
故後變賣

衣飾壘夫
養姑克守

婦道乃伊
姑黃江氏

貪圖財禮
欲逼改嫁

以吳氏夫
聞知赴投

身死是實
吳氏與吳

氏姑媳恩
義已絕若

完結再該督疏稱彭氏捐軀明志係由夫翁貪財逼嫁應由 臣 給與匾額以嘉節烈毋庸請給建坊銀兩
等語彭氏不應如該督所題仍照例准其 旌表等因乾隆三十三年十二月初七日題初九日奉
旨依議欽此

安徽司 一起為遵 旨議奏事看得歙縣已故民人黃金寶之妻吳氏因伊姑黃江氏逼嫁投塘身
死一案據安徽巡撫農起疏稱緣黃吳氏係吳爾佳之女於乾隆四十一年內適黃金寶為妻孝敬舅姑
謹守婦道族鄰周知四十四年八月黃金寶病故黃吳氏變賣衣飾殯殮營葬勤事女工姑媳度日四十

五年六月內黃江氏以家貧媳寡欲改嫁冀圖財禮養老商之黃吳氏情愿守節事姑立後不允再醮
嗣九月初旬黃江氏又欲將媳改嫁與族嬸黃方氏說及黃方氏以伊堂弟方教化妻故欲商續娶回答

黃江氏遂託為媒黃方氏意料黃江氏姑媳自必說明旋向方教化述知方教化口允因欲察聽尙未議
定財禮寫立婚書九月十七日吳爾佳前往伊女黃吳氏家探望黃江氏即將黃方氏作媒之事向吳爾

佳告知吳氏聞知即往夫墳哭別隨即投塘身死請究方教化並無強娶及串同逼嫁情事似無遁飾將
黃江氏依夫喪服滿妻妾情愿守志而夫家之父母強嫁律杖八十收贖並聲明黃吳氏 題請 旌

表等因其 題前來查律載夫喪服滿妻妾情愿守志而夫家之父母強嫁之者杖八十又例載孀婦自
愿守志而夫家搶奪強嫁孀婦不甘失節因而自盡者照威逼例發近邊充軍各等語是強嫁孀婦擬杖

之條原僅指翁姑強為主婚本婦並未自盡者而言至若孀婦甘心守節翁姑倚勢圖財強欲奪其素志
致令情急殞命者自應按照自盡擬軍之本例科斷不得妄為援引致滋錯誤此案黃金寶之妻吳氏青

年喪夫矢志守節其竭力營葬勤苦養親實屬克盡婦道乃伊姑黃江氏貪圖財禮逼令改嫁以致該氏
不甘失節投塘身死按照本例黃江氏即應擬遣該撫輒將孀婦自盡正條置之不論僅照強嫁孀婦並

未釀命之例將黃江氏擬以杖八十並請收贖辦理實屬錯誤應將黃江氏改照孀婦自愿守志夫家搶
奪強嫁因而自盡者照威逼例發近邊充軍查黃江氏不能保全其媳名節強逼改嫁致令殞命姑媳恩

義已絕應即予以實遣不准收贖行令該撫酌發駐防地方給兵丁為奴仍重責四十板實決以昭平允
該撫既稱黃方氏並不查明黃吳氏是否情愿改嫁輒據黃江氏之言混行說媒方教化雖無強娶亦未

議定財禮寫立婚書但於黃方氏說媒之時並不查明確實冒昧應承應各照不應重律杖八十黃方氏
係婦人所得杖罪照律收贖方教化折責發落等語查方教化雖非知情謀娶但黃吳氏情急捐軀究係

繫因伊起若僅照該撫擬以杖八十無以示儆應再加枷號一個月餘應如該撫所擬完結再該撫疏稱
黃吳氏矢志柏舟捐軀明志節烈可嘉相應題請 旌表以維風化等語應俟 命下 臣 部移咨禮

駁案新編 卷四戶律婚姻 四 黃江氏

強奪良家
妻女嫁賣

部照例辦理等因乾隆四十六年七月二十九日奏奉 旨依議欽此

陳之萬

安徽司 一起為據實報明事會看得宣城縣民陳之萬等強嫁吳氏不從致氏自縊身死一案先據原任安慶巡撫孫國璽疏稱吳氏之夫陳來本生章姓隨母繼與陳之萬堂兄陳之相為子娶妻吳氏生有一子雍正六年陳來病故陳之相夫婦欲令吳氏他適吳氏剪髮誓志追陳之相夫婦故後吳氏攜子求乞詎子年幼迷失遂自獨守已經十載陳之萬屢勸吳氏改嫁不從頓欲強奪其節捏稱吳氏願嫁囑令族弟陳進尋媒許分財禮陳進商於陳于章答以事屬可行即託陳太生覓主時繆子通欲行娶妻陳進令族弟陳仁并陳之萬同至陳太生家與繆子通說合乾隆二年十二月初二日在陳進家內陳之萬主婚令族姪陳雙代寫婚書陳太生陳仁為媒當付財禮銀十二兩約定初八日送親至期陳之萬因吳氏堅不改嫁遂令陳進糾約多人幫同強嫁陳進復告知陳于章陳于章圖得吳氏家財附和允從陳進即邀同陳仁陳雙并陳進堂弟陳元陳雙胞弟陳孟幫助強嫁陳之萬計誘吳氏往施姓令伊原聘養媳回家吳氏被誘至渡口下船陳元撐船過渡吳氏見人多不肯上岸陳孟強背吳氏前行陳元持篙同陳之萬陳仁在後防護陳進陳雙復將吳氏捆縛入轎擡行陳太生接親自擊吳氏不願改嫁情形即先奔回陳之萬護送至繆子通門首散回陳之萬搬取吳氏紗布木箱陳于章搬取吳氏床櫥并將吳氏住房得

查此條經
律例館於
乾隆五年
羅按強奪
良人妻女
轉賣投獻
其情罪與
強奪姦占
者等擬絞
監候將屬
允當將比
照奏請等
語奏准
冊前除

銀二兩賣去詎吳氏至繆子通家哭罵不肯成親繆子通詢知強嫁情由令幼子伴宿未曾成婚次日往尋陳進等索退財禮陳進等躲匿不見至十四日繆子通將吳氏送回吳氏復被陳之萬罵不甘即於是夜自縊身死屢審供認不諱將陳之萬比照婦人夫亡守志別無主婚之人若有用強求娶逼受聘財因而致死例擬軍陳進陳于章陳雙陳仁陳元陳孟照為從減一等律擬徒陳太生繆子通擬以杖答吳氏附請 旌表等因具題查定例強奪良人妻女賣與他人為妻妾照強奪良家子女姦占為妻妾絞罪奏請 定奪等語是雖不致逼死人命而強賣之人即應擬絞蓋緣風化攸關是以定例森嚴今吳氏故夫陳來本生章姓陳之萬乃陳來繼父陳之相之堂弟原非應行主婚之人況吳氏夫亡之後剪髮誓志守節十年陳之萬利慾薰心計圖強賣糾商族棍朋謀奪節始則計誘下船繼則綁捆上轎既貪其聘財復掠取其紗布什物及吳氏矢志不移完節歸家而廬舍一空立錐無地反被陳之萬辱罵不甘以致自縊身死種種貪惡非僅逼受聘財者可比止擬遣戍既於情理未協且與定例不符事關致死節婦未便率結應令該撫另行確審妥擬具題到日再議等因題駁去後續據該撫疏稱覆鞫陳之萬強嫁吳氏各情悉與前招摺合查吳氏苦守十載矢志永堅陳之萬並非應行主婚之人乃商同陳進等強奪其節及吳氏完貞而歸陳之萬復加辱罵致令自縊將陳之萬比照擬軍誠於情理未協陳之萬應改照強

先經誘逃
後復強搶

奪良人妻女賣於他人為妻妾例擬絞監候請 旨定奪陳進等擬以徒杖吳氏附請 旌表等因具 題前來應如該撫所題陳之萬合比依強奪良人妻女賣與他人為妻妾者照強奪良家子女姦占為妻妾絞罪奏請 定奪例應擬絞監候奏請 定奪附和強嫁之陳進陳于章陳雙陳仁陳元陳孟亦應如該撫所題均比照婦人夫亡守志別無主婚之人用強求娶逼受聘財因而致死發邊衛充軍例減一等杖一百徒三年至配所折責四十板再該撫疏稱吳氏夫亡守志誓死靡他激烈自縊洵屬可嘉應請 旌表以維風化等語應如所請准其 旌表以闡幽貞照例給銀三十兩聽本家自行建坊該縣節孝祠內設位之處照 恩旨定例遵行等因乾隆五年十一月初五日題初七日奉 旨 陳之萬依擬應絞著監候秋後處決餘依議欽此

江蘇司 一起為淫棍搶妻等事會看得上海縣民劉四與劉六之妻徐姐姦逃夥搶一案先據江蘇巡撫陳宏謀咨稱緣劉六與劉四並非同宗劉四與徐姐之父瞿才交好常至其家遂與徐姐通姦聞劉六擇期完姻劉四即拐徐姐潛逃經縣拘獲分別枷責徐姐給親領回及劉六贅居岳家劉四又將徐姐誘拐復經枷責將徐姐交劉六領回乾隆六年三月二十五夜劉四糾邀鄭先往搶路遇鄰人嚴十方運同行至劉六門首嚴十等在外等候劉四同鄭先推牆入室用帶縛住劉六之手將徐姐搶出鄭先等散歸

現行例和
誘知情為
首發極邊
足四千里
充軍為從
及被誘之
人減一等
杖一百徒
三年
光緒十三
年補刊

四帶徐姐輾轉藏匿喬英張伽鄭先陳象家劉六控縣緝獲審認不諱劉四賁夜夥搶其跡雖似強奪但徐姐既與劉四通姦同逃敗名失節非比良家之婦且搶奪之時雖無預約之事實有愿從之情未便按照搶奪良家婦女律科斷將劉四照和誘知情例擬遣徐姐及方運等分別擬以杖徒枷責等因咨部經 臣部查律載豪勢之人強奪良家妻女姦占為妻妾者絞監候又例載和誘知情之人發雲貴川廣烟瘴少輕地方各等語今劉四與徐姐姦拐兩次已干發遣之條及劉六領回徐姐之後劉四賁夜糾夥入室縛住本夫將徐姐搶去其為搶奪顯然今該撫援例擬遣僅治從前拐逃之罪後次用強搶奪豈得稱為和誘知情若以徐姐通姦伊父瞿才知情謂非良家之女不知徐姐經劉六娶歸本夫並未賣姦未嘗非良家之婦況徐姐被搶拏獲並無願從之供亦無私約之事該地方官將劉四姦拐之罪寬縱於前又將劉四搶奪情形開脫於後不惟律例牽混且不足以懲兇淫再隨行之嚴十等知係搶奪自應走避乃仍在外等候明係幫搶應令該撫審明妥擬具題到日再議等因咨駁去後續據該撫疏稱劉四與徐姐通姦年久兩次和誘同逃原係敗名失節之婦後劉四用強搶奪徐姐既未聲喊又復跟從輾轉逃匿情似和同與憑空搶奪良家妻女者有間惟是劉四當夜搶奪縛住本夫嚇禁聲張雖徐姐犯姦伊父瞿才知情縱容迫經出嫁本夫劉六未曾賣姦而強搶犯姦之婦律例又無作何治罪之條自應遵照部駁依律

改擬除縱女犯姦之瞿才及被誘從行並未幫搶之嚴十俱經病故不議外將劉四改為擬絞監候徐姐方運擬徒喬英張伽等擬以枷杖等因具 題前來除瞿才嚴十取供後病故不議外應如該撫所題劉四合依強奪良家妻女姦占為妻妾者絞監候律應擬絞監候秋後處決徐姐從前既經同逃應依被誘之人減一等例杖一百徒三年係犯姦之婦杖罪的決徒罪收贖交與本夫聽其去留該撫既稱方運途遇被誘僅止站立門外既非預謀亦未同搶但不及走避應照被誘入夥減為首者絞罪五等例杖七十徒一年半至配所折責二十五板喬英合依雖知拐帶情由並未和同誘拐分受財物暫時容留數日例枷號兩個月滿日責四十板張伽並未有容留但不行拏首應照不應重律杖八十照例折責發落等語均應如該撫所議完結等因乾隆九年五月十四日題十六日奉 旨劉四依擬應絞著監候秋後處決餘依議欽此

強奪良家妻女向未姦污因而傷人

江蘇司 一起為強搶事會看得南匯縣民姜大等強搶趙偶觀孀媳周氏并傷趙偶觀夫婦一案先據原任蘇州巡撫王師疏稱緣姜大充當川沙營兵丁與叔姜敘同居姜敘與趙偶觀係中表弟兄姜大見趙偶觀之媳周氏孀居欲娶為妻央姜敘說親未允乾隆十四年八月十五日姜大起意強搶糾同姜敘并詭言周氏已經定下誘同朱生朱序楊中嚴季一共六人姜大執竹柄鐵頭槍姜敘執麵杖餘俱空手

黃昏時分齊抵趙偶觀家姜大入內將周氏搶出趙偶觀同妻朱氏追喊攔阻姜大持槍戳傷趙偶觀右腮頰又以槍柄毆趙偶觀左膝比朱氏上前欲奪周氏被姜敘用麵杖拒傷左脇肋骨斷跌倒時朱生等四人懼而先回姜大拉住周氏回家欲與成親當經保正張涵顯聞往阻止隨將周氏送至趙偶觀之戚唐英家內未被姦污趙偶觀之姪趙友觀報縣驗傷審供不諱查強搶孀婦例載因搶奪而傷人者照本律從重論搶奪傷人者斬為從減一等等語是兩人共傷一人應分首從今姜大姜敘各傷一人應各盡本法治罪姜大除強奪良家妻女向未姦污姜敘除為從各輕罪不議外姜大姜敘均合依搶奪傷人律擬斬監候朱生等擬杖等因具 題前來查律載強奪良家妻女姦占為妻妾者絞尚末姦污者減一等又例載孀婦自願守志而母家夫家搶奪強嫁者各按服制照律加三等娶主知情同搶照強娶笞五十律加三等杖八十其有因搶奪而取去財物及殺傷人者各照本律從重論各等語是搶奪強嫁律例各有本條即強嫁例稱各照本律從重論者謂因搶奪而取去財物則照搶奪財物律分別科斷若殺傷人則按其情節照毆故殺傷律定擬詳釋例文及字各字之義顯有區別難容牽混今此案姜大起意糾同姜敘等強奪周氏毆傷周氏翁姑並未取去財物則按情定罪自有應擬本條乃該撫既錯引強嫁例內之條而又誤會殺傷人本律之義復將例內取去財物及各六字刪去將姜大姜敘不分首從均依搶奪

現行例兇
徒執持兇
器傷人發
近邊充軍
父兄子弟
共犯盜盜
殺傷如父
從子弟從
以下各加
一等伯叔
不在此例
光緒十三年
奉補刊

圖產搶嫁
不甘失節
首刎身死

財物傷人爲首律擬斬監候與律不符事關罪名出入未便草率完結應令該撫詳察案情妥協定擬具
題到日再議等因題駁去後續據該撫莊有恭疏稱奉准部駁查律載強奪良家妻女姦占爲妻妾者絞
監候又例載強奪良家妻女尙未姦污者照已被姦占律減一等定擬至強嫁例內既已指明有因搶奪
而取去財物及殺傷人者各照本律從重論是因搶奪取財方照搶奪財物定擬若殺傷人則按其情節
照毆故殺律定擬細繹例文及字各字之義誠有區別似未便以強搶婦婦傷人之犯牽引搶奪財物傷
人之條按姜大強搶婦婦係執竹柄鐵頭槍戳傷趙偶觀右腮頰并以槍柄毆傷趙偶觀左膝雖已平復
但執槍傷人實屬兇橫姜大除搶奪良家妻女尙未姦污例止減流輕罪不議外應改依兇徒執持兇器
傷人例發邊衛充軍姜敘強奪良家妻女未被姦污爲從例應滿徒其執持麵杖毆傷趙偶觀之妻朱氏
已成廢疾亦應滿徒二罪加等從一科斷姜敘改依毆人成廢疾律杖一百徒三年等因具 題應如該
撫所題姜大合依兇徒執持刀槍金刃傷人者發邊衛充軍例發邊衛充軍至配所杖一百折責四十板
姜敘合依折人肢體成廢疾杖一百徒三年律應杖一百徒三年至配所折責四十板朱序楊中嚴
季誤認周氏爲姜大已定之妻聽從同往旋即先回並無助勢濟惡情事應各照被誘隨行例杖八十等
因乾隆十七年五月十四日題十六日奉 旨依議欽此

湖廣司 一起爲報明事會看得枝江縣民劉澤遠搶嫁孀婦黃氏致氏自刎身死一案先據署湖北巡

撫蘇昌疏稱緣劉澤遠係黃氏之夫劉永華小功服兄乾隆二十年劉永華身故子女俱幼有祖遺田五

石四斗陸地五段黃氏撫孤守志又自置田四石九斗二十三年五月其子天亡黃氏仍甘心苦守詎劉

澤遠貪圖財禮起意強嫁二十五年二月央熊敬思蘇紹一爲媒將黃氏說與李守揆爲妻議定財禮銀

三十二兩錢二千文三月初八日在劉澤遠家寫立婚書劉澤遠得財禮銀二十兩其餘銀錢給與熊敬

思蘇紹一均分李守揆即欲迎娶劉澤遠約俟夜間同媒往搶李守揆等俱各允從李守揆又令族兄李

仁長族姪李雙兒同往牽馬一更時分劉澤遠率同熊敬思蘇紹一李守揆並李仁長李雙兒行近黃氏

住處李守揆即令李仁長李雙兒在途等候劉澤遠熊敬思蘇紹一李守揆四人趕馬至黃氏門首劉澤

遠從耳門進內開門將黃氏拉出同李守揆扛擡上馬黃氏哭罵其同居佃戶范正宜出看因孤身不敢

救阻劉澤遠復轉至黃氏屋內搜取田地契約而出扛扶黃氏行至途間會遇李仁長李雙兒候接牽馬

熊敬思蘇紹一當即回家劉澤遠等將黃氏送至李守揆家亦各散歸李守揆止留李雙兒陪伴黃氏因

黃氏哭罵不休不敢成婚初九日早范正宜通知黃氏之叔黃方興查至李守揆家黃氏託令撫女鳴冤

黃方興情愿備銀贖取李守揆因無現銀不允及黃方興出門欲歸家借銀黃氏即取房內所掛剃刀自

勿身死報縣驗明屢審供認不諱查劉澤遠係黃氏故夫劉永華小功服兄圖產強嫁致黃氏自刎身死將劉澤遠依孀婦自願守志夫家搶奪強嫁孀婦不甘失節因而自盡照威逼例發邊衛充軍李守揆等分別擬以徒杖等因具題查例載孀婦自願守志而母家夫家搶奪強嫁者各按服制照律加三等治罪如孀婦不甘失節因而自盡者照威逼例充發又例載疏遠親屬圖財強賣者照例擬絞奏請各等語此案劉澤遠係黃氏故夫劉永華再從兄弟與黃氏已無服制因黃氏夫死子殤遺有田產起意圖占輒誘邀熊敬思等為媒得受財禮將黃氏私許與李守揆為妻又因黃氏係單戶獨居隨率同李守揆等乘夜將黃氏強搶出門拉擡上馬復轉至屋內搜取田產契約入手扛扶黃氏送至李守揆家內致黃氏不甘失節持刀自刎殞命該犯以疎遠親屬因圖占財產強行嫁賣逞兇逼命與夫家奪志強嫁者迥不相同今該撫僅擬以邊衛充軍揆之情法未為允協應令該撫另行按例詳晰妥擬具題到日再議等因題駁去後續據署湖北巡撫周琬疏稱查劉澤遠係黃氏故夫劉永華再從兄弟與黃氏已無服制乃因黃氏夫死圖占遺產輒用強搶嫁且將田產契約乘間搜取復拉扶黃氏送至李守揆家黃氏不甘失節持刀自刎殞命逞兇不法實與母家夫家奪志強嫁者不同劉澤遠應照疎遠親屬圖財強賣者絞監候例擬絞監候奏請定奪李守揆熊敬思蘇紹一擬流李仁長等擬杖黃氏附請旌表等因具題

前來應如該署撫所題劉澤遠合依疎遠親屬圖財強賣者絞監候例應擬絞監候秋後處決奏請定奪該署撫既稱知情謀娶及夥同強搶之李守揆熊敬思蘇紹一均應照為從減一等例杖一百流三千里至配所杖一百各折責四十板李仁長李雙兒雖未夥謀同搶但明知用強搶嫁乃聽從率馬同行均屬不合俱應照不應重律杖八十各折責三十板范正宜因係隻身不能救護應予免議劉澤遠蘇紹一熊敬思所得財禮銀三十二兩錢二千文照追入官等語俱應如該署撫所題完結再該署撫疏稱黃氏捐軀明志洵屬節烈應請旌表以維風化等語查會典載孀婦撫孤守志因親屬逼嫁投繯原非激烈輕生照例旌表等語今黃氏因劉澤遠強嫁不從自刎身死應照例准其旌表令該撫轉行該地方官給銀三十兩聽本家自行建坊其該縣節孝祠內設牌之處照恩詔定例遵行等因乾隆二十六年十二月初六日題初八日奉旨劉澤遠依擬應絞著監候秋後處決餘依議欽此

江蘇司一起為報明事會看得六合縣陳相禮等聽從故父陳嘉巨強搶韓九姐為妻姦污一案先據蘇州巡撫陳宏謀咨稱緣陳相禮籍隸丹陽有遠房表兄賈鳴遠在六合開張烟店與韓周氏附近認識乾隆二十一年賈鳴遠薦引陳嘉巨佃種韓周氏田畝因陳相禮尚未定親陳嘉巨欲圖韓周氏之女九姐為媳曾央賈鳴遠作伐賈鳴遠知氏不從未曾轉說迨二十五年十一月陳嘉巨辭佃回籍仍欲圖娶

強奪良家
妻女姦污
為妻

九姐二十六年正月初八日陳嘉旦相邀張宗文陳相仁張公秀張成宗陳鳴遠陳相彭陳繼福共飲年酒張宗文等六人先至陳嘉旦捏稱原聘六合韓周氏之女九姐為媳今因回籍韓姓欲悔婚約張宗文等同往搶回與子成婚各皆允從張公秀後至其搶親私語年老不甚聽聞飲罷詢問俱各詭稱娶媳邀約同張公秀亦即應許陳嘉旦即雇張成宗之船約同張宗文等及陳嘉旦陳相禮父子一共九人於正月初九日自丹陽開船十一日抵六合通江集陳嘉旦先携茶食至韓周氏家拜年韓周氏留飲陳嘉旦并欲借宿韓周氏念係舊佃應允陳相禮亦至韓周氏家內與陳嘉旦密行約會二更時候留陳繼福看船陳相禮率領張宗文陳相仁陳鳴遠陳相彭分執燈籠火把并同張公秀前至韓周氏門首陳嘉旦聞聲開門陳相仁等在外照應張宗文執燈照亮把住韓周氏堂屋門陳相禮陳鳴遠入內陳相禮踢開九姐房門將九姐連衣搶抱而出張公秀年老行遲甫至門首九姐已被搶出旋即同回九姐在途叫罵陳相禮用手悶住其口又扯九姐裹脚網縛不令掙扎與陳相仁擡抱而行當各犯肆搶時韓周氏鄰佑蕭治華等喊護經陳相仁嚇阻有邱自得開門出救被捺在地各犯奔逸始行放起韓周氏鳴保報縣會營查勘陳嘉旦於十三日回家即令陳相禮與九姐成親九姐不從陳相禮將九姐襖褂拉破繼因哭罵又復毆打搨破小衣強行姦污先後關獲各犯審供前情不諱除起意為首應擬絞罪之陳嘉旦已經病故

不諱外陳相禮張宗文陳相仁均合依強奪良家妻女姦占為從減一等例各杖一百流三千里張公秀雖係知情同行但年老到遲未進韓周氏之門亦未嚇捺鄰佑應照被逼同行例杖八十逸犯張成宗陳鳴遠陳相彭陳繼福嚴緝獲日另結等因咨達前來查律載強搶良家妻女姦占為妻妾者絞監候婦女給親配與子孫弟姪家人者罪歸所主仍離異又律載一家共犯止坐尊長侵損於人者以凡人首從論不獨坐尊長舊註云如一家同為竊盜而臨時又拒捕殺傷人者則既侵損於人本罪各別之類各等語搶奪妻女之條載在婚姻律內其文又曰為妻妾配子孫是定律之義原係專指始強終合已成配偶者而言觀給親離異之文便可明曉若強奪之後本婦不與成親而奪者裂其衣服損其體膚肆行姦污則其兇暴之形在強姦案內情尤較重自應仍依強姦本律論罪不得遽引占為妻妾配與子孫之條此案陳相禮之父陳嘉旦圖娶田主韓周氏之女九姐為媳央伐不允起意糾眾強奪陳嘉旦預至韓周氏家假託借宿陳相禮率眾繼至先與伊父密約開門眾犯分執燈籠火把直入韓周氏堂屋陳相禮踢開九姐房門將九姐自行網縛擡回陳嘉旦令陳相禮與九姐成親九姐不從陳相禮輒將九姐襖褂扯破九姐哭罵陳相禮又復毆打搨破小衣強行姦污核其情事陳嘉旦圖娶強搶雖係所主而網縛毆打搨衣強姦則係陳相禮一人之事是該犯實屬此案首惡準情定法自應以強奪之罪歸於陳嘉旦以強姦之

罪歸於陳相禮始與名例一家共犯侵損於人以凡人首從論不獨坐尊長之義相符今該撫乃因圖娶強奪之陳嘉旦業已病故隨欲將捆毆強姦之陳相禮曲為議減殊覺情法未平事關生死不便議覆應令該撫詳核案情妥擬具題到日再議等因咨駁去後續據該撫陳宏謀咨稱遵卽提犯親訊據將聽從強搶捆毆姦污各情供與原招無異查陳相禮隨父強搶毆逼姦污固為情重但查律載強奪良家妻女姦占為妻妾者絞監候配與子孫者罪歸所主亦如之所配男女不坐又強奪良家妻女中途奪回及尙未姦污者照已被姦占律減一等又名例內開一家共犯罪坐尊長侵損於人以凡人首從論又輯註內開律貴誅心先須推原犯事之本意如為姦宿而強奪則依強姦論如為妻妾而強奪則依此律各等語蓋婦女既遭強奪大概皆非情愿多係強合律內止重其強奪而不問其合之強和是強奪之內原包強姦故強奪之條入於婚姻者亦因其本意在為妻妾也矧陳嘉旦強奪韓九姐配與伊子陳相禮為妻如未成姦止應照強奪尙未姦污律減等擬流因已成姦故將首犯擬以纒首正依律罪歸所主也陳相禮如未毆逼並得照男女不坐之律免議蓋姦由於強故照為從擬流止依名例所謂侵損於人以凡人首從論不獨罪坐尊長也前擬按律從嚴並非曲情議減除應擬絞罪之陳嘉旦已故不議外陳相禮應仍照原議依強奪良家妻女姦占為從例杖流等因咨部復查律載強奪良家妻女配與子孫弟姪者罪歸

所主係指受配之人並未幫同搶奪者而言若既率人糾搶又復逼脅強姦此其淫兇首惡自有姦占為妻問擬絞候之條此案陳相禮圖占韓九姐為妻先與伊父陳嘉旦密約開門夤夜率領多人直入韓周氏堂屋將九姐搶出網縛歸家逼令成親因九姐哭罵不從陳相禮輒向毆打撕裂小衣肆行姦污種種兇惡情狀皆係陳相禮一人自作之孽與事由尊長搶回配給者情節迥不相同該撫既稱輯註內開律貴誅心須推原犯事之本意今陳相禮意圖姦占自應卽照姦占本律問擬且詳閱陳相禮初供係稱張宗文起意糾搶後因陳嘉旦病故復稱伊父起意前後互異顯係圖卸己罪該撫何得一任該犯狡供曲為開脫歸罪於已經病故之陳嘉旦並援男女不坐之律謂姦由於強擬流尙屬從嚴抑知卽就強姦本律而論已成者罪應纒首況陳相禮肆搶於前逼姦於後核其情罪較尋常姦占為尤重乃與隨從搶奪之張宗文等一例問擬滿流準情按法輕重失倫事關強姦姦占生死懸殊本部碍難率覆應令該撫再行虛衷研究按律妥擬具題到日再議等因咨駁去後續據蘇州巡撫莊有恭疏稱遵駁提犯覆訊據陳相禮堅稱實係陳嘉旦起意強搶並未串供開脫臣研覆案情詳求律義平情論斷查律載強搶良家妻女姦占為妻妾者絞既云強姦姦占則強姦已在其中固未便既坐以強姦之條又坐以強姦之罪律又言配與弟姪家人者罪歸所主亦如之男女不坐但據律文所載無論受配之人有無隨從搶奪均應罪

歸所主並無幫同搶奪即應罪歸子孫弟姪不歸所主明文惟是律歸一定情有萬端如本案陳嘉旦起意強奪率同其子陳相禮等將韓九姐搶載回家九姐哭罵不從倘陳相禮稍知顧忌不加強逼則其父猶得照尚未姦污者減等定擬罪不至死今姦以毆逼而成乃猶拘泥律文罪歸其父而轉將陷父於死者請從輕定擬殊於倫化有關誠屬未協陳相禮應改照強奪良家妻女姦占為妻妾律擬絞監候既以陳相禮坐姦占首罪陳嘉旦應照原擬減等擬流已經病故應毋庸議張宗文等應仍照原議流杖分別減免逸犯張成宗等緝獲另結等因具題前來應如該撫所題陳相禮合依強奪良家妻女姦占為妻妾者絞律擬絞監候秋後處決該撫既稱既以陳相禮坐姦占首罪陳嘉旦應照原擬減等擬流已經病故應毋庸議張宗文陳相仁應仍照原擬依強奪良家妻女姦占為從例減一等杖一百流三千里張公秀應照被逼同行例杖八十事在乾隆二十七年二月二十九日恩旨以前張宗文陳相仁所犯流罪應請減為杖一百徒三年張公秀杖罪援免逸犯張成宗陳鳴遠陳相彭陳繼福緝獲另結等語均應如該撫所題完結等因乾隆二十八年十月十七日題十九日奉旨陳相禮依擬應絞著監候秋後處決餘依議欽此

湖廣司

一起為飭審事會看得龍山縣通詳隆山林等強搶王氏圖嫁未成一案先據湖南巡撫喬光

奏

妻女尚未

烈疏稱緣隆山林籍隸邵陽係王氏故夫隆良相無服族姪隆良相於乾隆二十六年挈眷搬居龍山佃種山地至二十七年病故遺妻王氏并二子一女王氏孀守將女許給地主王昌侯之姪王勝謨撫為弟媳該氏帶領幼子種山度日二十八年四月內隆良相胞弟隆如相在籍聞兄病故邀同隆山林前來看望遂與在龍寄住之表親張貴榮商議勸令王氏回籍改嫁王氏不允隆山林言語不遜王氏即赴縣具控當經該縣審明將隆山林等責懲逐釋將王氏母子著令伊戚王勝謨地主王昌侯領回照看王氏因所居地方孤僻慮被強搶遂在城內江石泉店內寄住隆如相責逐之後即回原籍隆山林負欠難歸至八月內因聞該縣公出赴省即起意強搶嫁賣圖得財禮以作歸計遂與張貴榮商議并令代覓竹轎雇人扛擡許以事成謝銀五兩張貴榮允從詐稱王氏夫死不歸聽唆許訟央素識之陳克堂陳克美相幫強接送歸本籍以杜構釁許謝銀一兩陳克堂等不知嫁賣情事亦即應允轉雇潘廷揚郭添相幫同扛擡本月十三日隆山林率同陳克堂等攜帶竹轎與張貴榮等同抵縣城東門外適遇王氏帶領二子在田檢拾穀穗隆山林即令張貴榮等將氏拉住氏子在旁哭阻張貴榮推倒在地將氏拉至轎上令陳克堂等四人輪流扛擡至陳克堂門首天色已晚即將王氏寄住陳克堂家王氏將隆山林等圖嫁先已經官責逐緣由對眾告知潘廷揚郭添相聽聞畏懼各自散回陳克堂等因既經被誘搶回勉為留住令弟

婦與王氏伴宿囑令隆山林迅速接回免累次日隆山林謊稱出外設措盤費潛往湖北地方尋覓娶主
王氏幼子二人見母被搶去奔回石江泉店內哭訴前情江石泉即赴縣稟報緝獲隆山林等到案訊供
通詳屢審供認不諱查隆山林係王氏故夫隆良相無服族姪搶去之後雖未賣成但起意強奪原爲圖
財嫁賣且寄匿陳克堂家已經多日未便因其尙未售賣稍爲寬減將隆山林依疎遠親屬圖財強賣例
擬絞監候奏請 定奪張貴榮擬流陳克堂陳克美擬徒潘廷揚等擬杖等因具題查例載疎遠親屬
圖財強賣者照例擬絞等語係指強賣已成者而言所謂照例擬絞者即照強奪良人妻女賣與人爲妻
妾之例也又例載強奪良人妻女中途奪回及尙未姦污者照已被姦污例減一等今此案隆山林係王
氏故夫隆良相無服族姪圖得財禮起意強搶嫁賣轉雇陳克堂潘廷揚等擡轎搶拉而去寄居陳克堂
家王氏將隆山林搶嫁緣由對衆告知潘廷揚等畏懼各散陳克堂即令弟婦伴宿并囑隆山林迅速接
回隆山林託言設湊盤費潛行外出旋經被告覆審並未得財亦未議有娶主是隆山林嫁賣王氏尙屬
未成今該撫將隆山林依圖財強賣例擬以絞候與例未符應令該撫另行詳審確情按例妥擬具題到
日再議等因題駁去後續據該撫吳達善疏稱查例載疎遠親屬圖財強賣者照例擬絞等語此指強賣
已成者而言今此案隆山林係王氏故夫隆良相無服族姪圖得財禮起意強搶嫁賣並未得財亦未議

圖產逼嫁
孀嫂擬絞

有娶主是隆山林嫁賣王氏尙屬未成前將隆山林擬以絞候似屬過重應將隆山林改照強奪良家妻
女中途奪回及尙未姦污者照已被姦占絞罪減一等例擬流張貴榮應改照爲首流罪減一等例擬徒
陳克堂等擬杖等因具 題前來應如該撫所題隆山林合依強奪良家妻女中途奪回尙未姦污者照
已被姦占絞罪減一等例杖一百流三千里至配所折責四十板該撫既稱張貴榮聽從糾人強搶應改
照爲首流罪減一等例杖一百徒三年至配所照例折責擡站陳克堂陳克美原係被誘隨行幫同擡轎
既未預謀搶嫁亦未得受謝銀應與幫同扛擡之潘廷揚郭添相均照不應重律杖八十各折責三十板
等語均應如該撫所題完結等因乾隆三十年閏二月二十九日題三月初十日奉 旨依議欽此
河南司 一起爲強嫁圖產事會看得新野縣民葛繼榮圖產強嫁孀嫂關氏一案先據河南巡撫阿思
哈咨稱葛繼榮與關氏之夫葛繼成係同胞兄弟分產各居乾隆二十四年葛繼成身故無子遺妻關氏
保守房產憑族擇立堂姪葛起賢爲嗣侍奉孀姑盧氏度日葛繼榮不自安分將分受田產蕩費一空覬
覷孀嫂家財節經控縣審訊皆虛至二十九年五月內輒思嫁嫂奪產先將其母盧氏接至伊家告以嫁
賣關氏之語盧氏年老耳聾未經聽明亦未斥阻葛繼榮捏稱伊母主婚託谷二禿說媒將關氏嫁給齊
先齊爲妻代寫婚書議定財禮錢十千文俟關氏過門交給齊先齊等共至關氏門首關氏驚覺閉門齊

先齊將房門踢開葛繼榮進內拉出關氏交給齊先齊橫駝馬上葛繼榮按頭谷二禿按脚齊先齊持鞭趕馬關氏一路啼哭以致焦天順等共見不平隨同關氏親戚鄆碩士尾追其後及至齊先齊家內關氏未肯成親哭鬧不休鄆碩士等同聲斥責齊先齊強搶之非齊先齊情怯未敢爭辯鄆碩士等即將關氏領回餘眾各散經關氏控縣先後獲犯訊供通詳飭審研訊各犯供認不諱查例載孀婦自願守志而母家夫家搶奪強嫁者各按服制照例加三等治罪又若疎遠親屬圖財強賣者均照例擬絞奏請倘期功卑幼謀佔資財貪圖聘禮將伯叔母姑等尊屬用強搶賣者擬斬監候各等語今葛繼榮圖財強嫁孀婦現有伊母葛盧氏在堂則非例得主婚之人不便僅照夫家強嫁例按服制加等治罪但係關氏夫弟既非期功卑幼可比亦與疎遠親屬不同而律例內並無夫弟圖產強嫁兄妻作何治罪之條查該犯雖經強嫁究未得財亦未成婚葛繼榮應請比照疎遠親屬圖財強賣擬絞例量減一等杖一百流三千里至配所折責四十板齊先齊等擬杖等因咨達前來查例載疎遠親屬圖財強賣者照例擬絞奏請倘期功卑幼謀佔資財貪圖聘禮將伯叔母姑等尊屬用強搶賣擬斬監候等語今關氏係葛繼榮親嫂服屬小功雖與卑幼有間亦與疎遠親屬不同該犯圖謀財產輒將守志孀嫂強行嫁賣業已駝至買主齊先齊家幸賴關氏戚屬同聲斥責未得成婚將關氏領回喪心敗倫究與尋常強賣未成者不同該撫因其例

無明文照疎遠親屬圖財強賣絞候例復量減擬流於情法殊未平允應令該撫另行妥擬具題到日再議等因咨駁去後續據該撫阿思哈疏稱提犯研訊該犯供認仍與原詳無異查葛繼榮係關氏之夫弟既與期功卑幼有間亦與疎遠親屬似覺不同是以前將該犯酌照疎遠親屬圖財強賣例量減擬流茲准部駁細繹此案該犯圖謀財產輒將守志孀嫂強行嫁賣雖未成婚得財而喪心敗倫誠非尋常強賣未成可比律例內雖無強賣親嫂未成作何治罪之文而夫弟服屬小功較之期功實已漸降自應援照疎遠親屬問擬將葛繼榮改照疎遠親屬圖財強賣例擬絞監候奏請 定奪齊先齊等仍照前擬杖責等因具 題前來應如該撫所題葛繼榮應照疏遠親屬圖財強賣擬絞奏請例應擬絞監候秋後處決奏請 定奪該撫疏稱葛繼榮雖係母老丁單但盧氏向係關氏養贍並非該犯侍養無庸將應侍緣由聲明齊先齊知情同搶係誤信盧氏主婚應仍照前擬照孀婦自願守志而母家夫家搶奪強嫁娶主知情同搶照強娶律加三等例杖八十折責三十板谷二禿等緝獲另結等語查齊先齊強娶關氏雖係誤信盧氏主婚但該犯糾人往搶踢開房門強拉上馬僅擬杖責殊屬輕縱應加枷號三箇月以示懲儆餘俱應如該撫所題完結等因乾隆三十一年六月初八日題初十日奉 旨葛繼榮依擬應絞著監候秋後處決餘依議欽此

改依搶奪
路行婦女
爲首例

安徽司 一起爲呈報事會看得六安州民翁柏林等強搶徐朝佐之妻劉氏賣與方洪九復行搶回轉賣一案先據安慶巡撫馮鈞疏稱緣翁柏林籍隸六安州與現獲之盧愷苗於周張岐山陳殿元及在監病故之羅惟先未獲之柳長春張仲高英徐紹南王天福均係棍徒素相熟識乾隆三十一年三月間翁柏林赴英山縣尋覓柳長春索欠未遇路過徐朝佐家因飢覓食見徐朝佐家有一少婦聽係北方聲音疑係稍賣次日撞遇柳長春告知起意搶奪柳長春允從五月初一日翁柏林途遇柳長春同至盧愷飯店適有素熟之苗於周徐紹南亦已在彼共處聚談翁柏林復言及前事起意搶賣柳長春盧愷苗於周徐紹南俱各允從卽於五月初五日一同起身路遇張仲高英亦糾約同行至十七日抵徐朝佐家山林內潛藏柳長春先往探明劉氏在家卽於是日起更時分柳長春攜帶鐵尺餘俱徒手齊至徐朝佐莊前盧愷踢門同柳長春先進翁柏林苗於周亦跟進內徐紹南高英張仲在外等候徐朝佐之兄徐朝用喝問柳長春聲言伊家娶有來歷不明婦人奉差拘喚徐朝用見各犯人衆不敢聲張柳長春苗於周將劉氏拉住柳長春問有衣服在櫃卽開櫃搬取衣飾同苗於周走至門外與張仲押帶劉氏先行翁柏林盧愷徐紹南高英隨後行至王天福家窩藏適張岐山同羅惟先亦至王天福家盧愷等知張岐山同羅惟先稍取路熟告知強搶緣由託其領賣張岐山應允苗於周商令盧愷翁柏林跟隨張岐山嫁賣得銀帶

回均分苗於周與柳長春徐紹南張仲高英俱各散去其所搶衣飾儀分不等而逸事主徐朝佐赴英山縣呈控差拏無獲徐朝佐亦卽出外尋訪未經訊詳張岐山羅惟先翁柏林盧愷帶同劉氏前至羅田縣周魁萬飯店將劉氏改作陳氏捏係張岐山婢女發賣有黃岡縣民方洪九販紬住歇王其玉店經王其玉爲媒將劉氏賣與方洪九爲妻財禮銀四十兩王其玉分得媒銀三兩張岐山翁柏林盧愷羅惟先各分得銀五兩餘銀十七兩存給苗於周等七月初五日方洪九帶同劉氏回籍張岐山起意強搶再行嫁賣商之翁柏林盧愷羅惟先允從一同追至羅田縣螺螄河地方將劉氏搶回并搶方洪九衣物錢文帶至蘄水縣范步青店內將劉氏改作王氏憑范步青爲媒賣與楊萬中爲婢得價銀四十四兩張岐山翁柏林盧愷各分銀十兩羅惟先分銀五兩范步青得銀四兩餘銀及存給苗於周之銀該犯等公爲盤費之用搶得方洪九衣物錢文亦係張岐山當賣花用楊萬中復將劉氏轉賣與蘄水縣關勝宗之子爲妻經該州獲犯訊供旋經事主徐朝佐訪至蘄水縣領回劉氏呈報屢審供認不諱查翁柏林等強搶劉氏雖非路行婦女但該犯等膽敢聚眾夥謀肆行搶奪嫁賣得銀分肥又復強搶另賣情殊兇惡未便僅照搶奪良家婦女律問擬查係翁柏林起意爲首翁柏林應比照聚眾夥謀搶奪路行婦女爲首例擬斬立決盧愷苗於周均照爲從例擬絞監候張岐山於翁柏林等強搶劉氏雖未同搶但賣於方洪九之後復

起意強搶嫁賣亦屬不法應照搶奪路行婦女爲從例擬絞監候陳殿元等擬以杖徒等因具 題前來查律載搶奪良家妻女賣與人爲妻妾者絞監候又例載聚眾夥謀搶奪路行婦女或賣或自爲奴婢爲首者斬立決爲從者絞監候各等語此案翁柏林起意夥同盧愷苗於周並在逃之柳長春等乘夜至徐朝佐家搶奪劉氏轉賣張岐山捏稱婢女賣與方洪九爲妻得銀分用迨方洪九帶劉氏回籍翁柏林復聽從張岐山起意商同盧愷羅惟先追至中途復行奪回嫁賣翁柏林首先肇禍迭次逞兇自未便以在路搶奪非係該犯起意僅照搶奪良家妻女爲首定擬翁柏林應如該撫所題比照搶奪路行婦女者爲首例擬斬立決盧愷苗於周亦應如該撫所題照搶奪路行婦女爲從例均擬絞監候秋後處決至張岐山一犯雖於翁柏林等初次搶奪之時未曾入夥迨該犯等將劉氏賣與方洪九之後張岐山復起意於中途奪回是張岐山實爲搶奪路行婦女之首犯雖前後所搶只此一人而在家在途既經兩次搶奪自應依律各分首從未便以前此起意搶奪之翁柏林既以比例斬決遂將後次起意中途搶奪之張岐山竟寬其爲首之罪而以爲從問擬致滋疎漏應令該撫將張岐山一犯另行妥擬具題到日再議其羅惟先跟同張岐山在途截搶劉氏亦未便照搶奪良人婢女爲從例擬流擬以杖徒之陳殿元等均應如該撫所擬完結等因乾隆三十二年十一月初三日題初五日奉 旨翁柏林著卽處斬盧愷苗於周俱

依擬應絞著監候秋後處決餘依議欽此行文去後續據該撫疏稱除將翁柏林處斬盧愷等牢固監候外查張岐山於翁柏林搶奪劉氏原末知情隨行迨後翁柏林等將劉氏交該犯嫁賣於方洪九張岐山復起意中途搶回似與平空搶奪路行婦女者稍有不同是以前次將該犯照搶奪路行婦女爲從例擬絞夥搶之羅惟先擬流在案第張岐山將劉氏嫁賣之後復又夥眾截搶雖前後所搶只此一人而在家在途已屬兩次應依律各分首從問擬張岐山一犯應照搶奪路行婦女爲首例擬斬立決先行刺字羅惟先跟同在途截搶應改照搶奪路行婦女爲從例擬絞監候該犯已經在監病故應毋庸議等因具題前來應如該撫所題張岐山應改依搶奪路行婦女爲首斬決例擬斬立決羅惟先應改依搶奪路行婦女爲從例擬絞監候秋後處決該犯已在監病故毋庸議逸犯柳長春等仍行令該撫嚴緝務獲審擬另結等因乾隆三十三年四月十六日題十七日奉 旨張岐山著卽處斬餘依議欽此

四川司 一起爲報明事會看得隄爲縣民李金詔逼嫁李氏自盡一案先據四川總督阿爾泰咨稱緣李金詔係李氏小功堂兄李氏之夫胡建盛於乾隆二十六年出外謀食多年不歸遺妻李氏無依隨父李之陽同李金詔同居三十三年正月十一日伍忠全赴胡建盛胞伯胡世明家拜年胡世明言及胡建盛久出無音疑係病故伊妻難以守節伍忠全以伊戚盧金華託訪親事遂爲作伐求娶李氏胡世明囑

逼嫁有夫
室妹自刎

令伍忠全往李之陽家問明議婚伍忠全通知盧金華隨帶銀兩於二十五日同至隄爲向李之陽詢知李氏不願改嫁遂起身而歸詎李金詔聞知復勸李氏改適李氏不理李金詔希圖取利卽追回伍忠全等商令盧金華送給銀兩包管將李氏接去並稱伊叔李之陽爲人本分有伊力主成婚盧金華卽出銀十兩二錢給李金詔收受李金詔又令盧金華出錢三千文以作李之陽養女飯食約定二月初四日前往接娶李金詔商定回家用言恐嚇李之陽合將李氏送還胡姓免致訐訟並告知約期接去緣由李之陽畏累復問李氏仍不肯從至期伍忠全同盧金華備帶酒肉錢文前赴李家迎接李金詔又囑李之陽不必再問李氏願否卽令起程李氏在房哭泣不允李金詔復嚇以往囑胡家告官差拏李氏被逼情急自持尖刀戳傷咽喉因傷殞命將李金詔合比照母家搶奪強嫁孀婦因而自盡照威逼充發例量加一等應發邊遠充軍伍忠全盧金華均照爲從減等滿徒李氏並非孀居其因逼嫁自盡與孀婦捐軀明志有間毋庸 旌表等因咨達前來經 臣部以例載疎遠親屬圖財強賣者問擬絞罪不待致死人命卽應定以纒首此案李金詔圖財強嫁有夫小功堂妹李氏致氏被逼自刎殞命查李氏因夫胡建盛久出未歸本無改節之意李金詔並非應得主婚之人始則貪圖盧金華謝禮主令出錢接娶且欺氏父李之陽爲人本分設計恐嚇李之陽畏累向女商議不從李金詔又囑李之陽不必問女願否並向氏嚇稱告官差拏以致被逼情急自抹殞命該督以此案情節較之強嫁孀婦尤爲情重又僅照威逼自盡充發例量加一等仍擬軍遣情罪未協應令該督妥擬到日再議等因咨駁去後今據該督將李金詔改擬絞監候伍忠全盧金華改擬滿流並聲明李氏可否准與 旌表統聽部議等因具 題前來應如該督所題李金詔合依疎遠親屬圖財強賣者擬絞例應擬絞監候秋後處決仍奏請 定奪該督既稱伍忠全盧金華均依爲從例各杖一百流三千里胡世明依不應重律杖八十均應如該督所題完結該督疏稱李氏雖與孀婦捐軀明志有間但該氏捐軀就義節烈堪嘉可否准與 旌表統聽部議等語李氏因伊夫胡建盛久出無音被堂兄李金詔圖財逼嫁以致自刎身死查有夫之婦因親屬逼嫁自盡例無旌表明條但該氏矢志靡他實因逼嫁不從捐軀就義節烈幽魂洵屬可憫應比照孀婦守志因親屬逼嫁自盡之例准其 旌表等因乾隆三十四年八月二十八日題九月初五日奉 旨李金詔依擬應絞著監候秋後處決餘依議欽此

天圖

